



Johann-Friedrich-Dirks-Preis van de Stadt Emden **Utschrieven 2016 / 17**

An de 9. Februar hett de Dichter Johann Friedrich Dirks Gebuurstag, un so wurr an disse Dag, dat Utschrieven för de JFD-Pries 2017 in de Welt laten.

't giff't wer en (wied faat) Motto: **Daar buten in de wiede Welt.**

Tolaten is Literatur van all Förmern. Bi Prosa sullen dat tominnst 5 Sieden wesen, un neet mehr as 16 (DIN A 4, Schrift 12 p un annerthalv Riegen Ofstand). Bi Lyrik 5 Gedichten. En Höörspill of en Theatertext sall kört beschreven worden, daarto en Proovstück van 5-10 Sieden.

Daar sullen blot plattdüütse Texten komen, de noch nargends to hören of to lesen wassen, un keen Oversettens. Annomen worden ok Texten in 'n anner Platt as dat Oostfreeske, ok ut Münsterland, Oostfalen, Drenthe of Groningen (daar kunn aver 'n hoogdüütse Oversetten wall helpen).

De Johann-Friedrich-Dirks-Pries umfaat 'n Geldpries van 2500 € plus en Statuette. Wiederhen kann dat ok noch 'n Anerkennungs- of Förderpreis van 500,- € för en anner instüürt Wark geven.

För Kinner un jung Lüü bit ruugweg 20 Jahr giff't dat 'n egen Weddstried, waarbi Ollen, Grootollen, Mesters, Nabers helpen können. De Pries van 1000 € stift de Spaarkasse Emden.

För de junge Lüü giff't dat keen Vörgaven för dat Medium – 't kunn ok 'n Film, 'n Höörspill, 'n Comic wesen. Thema is as bi de Ollen: „**Daar buten in de wiede Welt**“.

En Jury bestimmt de Priesdragers. Wat de Jury besluten deit, dat tellt.

All Arbeiden unner en Kennwoord inreichen bi

Stadt Emden, Kulturbüro, z. Hd. Frau Doden, Große Straße 13, 26721 Emden,

per Post – of ok per E-Mail: kulturbuero@emden.de.

Nafragen ok daar unner 04921-87-1266 – of per E-Mail.

Dat Kulturbüro anonymiseert de Arbeiden, so dat de Jury keen Weten daarvan hett, well de Autoren sünd. Un dat Kulturbüro kopeert ok de Texten, so dat Ji blot een stüren mutten.

In de Januar 2017 word bekannt geven, well de Priesen kriegen sall, un de grote Priesfier sall wesen an d' 9. Februar, Johann Friedrich Dirks sien Gebuurdag, in de Rummel van 't Emder Raadhuus.

De Texten mutten bit to d' 31. Oktober 2016 bi 't Kulturbüro wesen!

Johann Friedrich Dirks, geboren an 9. Februar in Emden, overleden an 31. Mäart 1949 in sien Heimatstadt, was Journalist un en benöömde plattdüütse Dichtersmann. Sien Texten wassen to 'n groten Deel verstreit in vele Dagbladen, Tiedschriften, Anthologien un Kalenner.

1903 is en Book van hum rutkomen: „Struukwark. Riemels un Vertellsels“, un 1960 de Band „Heimat am Meer“. Eerst in 't Jahr 2000 kwamm dat grote Wark „Well weet, waar 't gaud för is“ rut, daar hett Jan Koenen woll all dat tohoop stellt, wat Johann Friedrich Dirks schreven hett.

Dirks sien Theaterstück „Raadsheer Hero Thiemen“ overtüügt de Minsken ok vandaag noch, – wat he vertellt sünd Smuckstücken vun de plattdüütse Literatur, un sien Gedichten sitten vull van Romantik, so as de Lesers dat geern hebben.

De Johann-Friedrich-Dirks-Pries sall dat Erinnern an de Dichtersmann waak hollen un sall togliiek anregen, sük maal weer mit Dirks sien verwunnerlik modeern Schrievwark to befaaten.